

禮記通解

禮記通解卷四

郝敬習

檀弓下第四

君之適長殯車三乘公之庶長殯車一乘大夫之適長殯車一乘

此記葬殯之禮君諸侯也適適子公卽君也適爲君嗣庶爲公子變君言公者適庶之分也公共也鄭玄云庶子言公卑遠之也庶衆也殯未成人死者十六至十九謂之長殯車謂送葬之車曾子問云下殯土周葬于園與機而往途邇故也古者葬殯無棺以牀

機之屬輿尸葬之家園而已。惟君之適子十九歲死者，乃用棺斂載送以車。其車三乘，則適中殤二乘，適下殤一乘，可知也。公子爲庶者，長殤車一乘，則庶中下殤無車，輿機而往，可知也。大夫惟適長殤車一乘，適中殤無車，而庶殤益可知也。

按鄭註以此車爲殉葬之偶車，載牲體藏之壙中者，卽所謂遣車，非也。遣車之名見于周禮巾車云：大喪飾遣車。又雜記云：遣車視牢具，置于四隅。故鄭以四隅爲壙中，而以遣車爲明器。又後章晏子遣車一乘及墓而反，國君七个，遣車七乘，大夫五个，遣車五乘。

送行曰遣。謂送死者行之車。云及墓反。則是人所乘車明矣。若明器土木偶車。豈堪載牲體。旣納之壙。又豈有反者。

公之喪。諸達官之長杖。

公諸侯也。達官。謂姓名得通於君者。若府史以下自辟用者。不稱達官。長官正也。惟達官之長杖貳佐以下則否。君喪羣臣皆斬衰不杖者。斬衰而已矣。

君於大夫將葬。弔於宮。及出。命引之。三步則止。如是者三。君退。句朝。亦如之。衰次亦如之。

宮殯宮出。謂柩將行出宮。孝子攀號。君命引柩前。奪

其情也。引者三步輒止。君又命引之。如是者三。柩乃行。君遂去。或當遷柩朝廟時。君至。或柩出門外。倚廬之次。君至。其三命三引。皆如之。柩出宮門。經倚廬。孝子攀號于此尤切。鄭以大門外賓客次舍之處爲哀次。恐非。

五十無車者。不越疆而弔人。

五十始衰。所謂不以筋骨爲禮也。弔遠喪。使人代可也。

季武子寢疾。矯矯固不說。脫齊襄而入。見曰。斯道也將亡矣。士唯公門說齊襄。武子曰。不亦善乎。君子表微及。

其喪也曾點倚其門而歌

此記行禮絕俗之事季武子季孫夙魯大夫專政國
人事之如君者也矯固人名猶論語長沮桀溺楚狂
之類蓋因事立名矯矯通言能矯強固執也武子國
人所畏矯固不脫凶服入見自言惟入國君門有凶
服者脫之入大夫門不脫也此禮將亡我欲行此禮
耳武子佯善之許其爲表微表明也微細也倚其門
而歌者不哀其死不脫齊衰而入者不幸其生然則
武子之見棄於君子可知雖然凶服問疾臨喪而歌
非禮也記者始記名矯固未舉曾點亦以微致其譏

馬蓋曾點孔子之所謂狂也

大夫弔當事而至則辭焉弔於人是日不樂婦人不越疆而弔人行弔之日不飲酒食肉焉弔於葬者必執引若從柩及壙況上聲皆執紼拂喪公弔之必有拜者雖朋友州里舍人可也弔曰寡君承事主人曰臨君遇柩於路必使人弔之大夫之喪庶子不受弔

當事謂當斂殯有事之時辭謂捐者以主人有事告也哀樂不同日故弔日不樂婦人無外事故弔不出疆在路牽柩之索曰引下壙懸柩之索曰紼公弔謂公家使人來弔卽當往拜謝初喪主人不能往卽使

朋友與州里及喪家典舍之人代可也公使來弔其辭曰寡君承事主人往謝其辭曰辱臨君遇民之柩于路必使人弔之君於民有父母之恩也大夫之喪必適子爲主適子不在庶子不敢受弔蓋賤者不敢爲有爵者主若士庶無爵庶子受之可矣

妻之昆弟爲父後者句死哭之適室子爲主袒免哭踊夫入門右使人立于門外告來者狎則入哭父在哭於妻之室非爲父後者哭諸異室

妻昆弟爲父後者是妻父之冢嗣也適室已之正寢也已無服已子爲舅總故子爲喪主袒免哭踊皆子

也稱夫者對妻而言入門右入寢門西就客位避主也告來者謂來弔者至則以告也狎內戚也父在謂已有父在不敢哭于正寢而哭于妻之室妻黨也非爲父後則妻之庶昆弟之喪也哭諸異室不于妻室也

有室聞遠兄弟之喪哭于側室無側室哭于門內之右同國則往哭之

有殯親喪在殯側室傍室遠于殯宮也門內大門內于右不爲主也同國往哭他國則否

按前章言有殯聞遠兄弟之喪雖總必往此言同國

則往意相矛盾。父母新喪而弔人之喪情亦未允。
子張死。曾子有母之喪。齊衰而往哭之。或曰。齊衰不以
弔。曾子曰。我弔也與哉。

有三年之喪。不當弔人。然同志之友死。而哀痛情深。
卽不脫齊衰。往哭亦可弔也與哉。言非弔也。弔則麻
經而已。按雜記。三年之喪。不弔。如有服。將往哭之。則
服其服而往。正與此合。蓋哭死與弔生異。弔生禮輕。
而哭死情重。鄭註未達。

有若之喪。悼公弔焉。子游擯。由左。

悼公晉君。哀公子。擯主人相禮者。凶事尚右。讓尊者。

居右故由左凡吉事擯者出迎賓由右

齊穀告王姬之喪魯莊公爲之大功或曰由魯嫁故爲之服姊妹之服或曰外祖母也故爲之服

穀作告聲之誤也魯莊公桓公子齊襄公甥襄公淫女弟文姜而殺魯桓公則莊公之父讐也及襄公娶王姬莊公爲主婚王姬死告魯而莊公又爲服悖謬甚矣穀梁之例曰由嫁者死爲大功于禮無徵卽有之忘殺父之讐行由嫁之禮義所不出廢可也母之母曰外祖母服小功齊襄公夫人魯莊公舅之妻無服記誤矣

晉獻公之喪，秦穆公使人弔公子重耳，且曰：「寡人聞之，亡國恆於斯，得國恆於斯。雖吾子，儼然在憂服之中，喪亦不可久也。時亦不可失也。」孺子其圖之。以告舅犯。舅犯曰：「孺子其辭焉。喪人無寶，仁親以爲寶。父死之謂何？又因以爲利，而天下其孰能說之？孺子其辭焉。」公子重耳對客曰：「君惠弔亡臣，重耳身喪父死，不得與於哭泣之哀，以爲君憂父死之謂何？或敢有他志，以辱君義。稽顙而不拜，哭而起，起而不私。」子顯以致命於穆公。穆公曰：「仁夫公子重耳！夫稽顙而不拜，則未爲後也。故不成拜，哭而起，則愛父也。起而不私，則遠利也。」

晉獻公嬖驪姬殺世子申生公子重耳避奔狄秦穆公之夫人於重耳兄弟也獻公死穆公使子顯弔重耳勸之反國恆於斯謂得失在此時也喪出亡也孺子謂重耳嗣君在喪稱子舅重耳舅狐偃字子犯以告重耳告也辭勿受也喪人猶亡人仁親念父也寶也父死是何等事而乘此謀國也說猶解也客卽子顯稽顙以頭擊地盡哀也不拜不謝也不私不與使者私言也未爲後未爲嗣君主喪則不受弔拜謝也哭則哀父不私則無謀國之意而遠利所以爲仁也

按舅犯之訓重耳之對皆矯詐無實記者撫其事不察其心豈可爲行禮之法春秋于重耳蓋甚惡之惟殯非古也自敬姜之哭穆伯始也

柩在殯朝夕哭必揭其帷敬姜魯大夫穆伯妻夫死哭必以晝帷殯遠嫌也魯人效之後遂皆帷殯喪禮衰戚之至也節哀順變也君子念始之者也

孝子衰戚不可忍故先王制爲禮以達其情而又爲之節以防其過所以順其哀而變之非逆其情而過之也君子于衰戚之至無可若何惟思親始生我待以終今當送終之日重自毀傷是負吾親也念此節

衰先王所以順變也

復盡愛之道也有禱祠之心焉望反諸幽求諸鬼神之道也北面求諸幽之義也

復謂始死升屋招魂也不忍舍其親而望其復生極盡仁愛之道也求諸人不得而求諸鬼故曰有禱祠之心禱祠之心窮迫無可奈何也望反諸幽以下皆釋所以禱祠之義禮復者北面向幽州鬼方故曰求諸鬼神之道求諸幽之義所以爲禱祠也鄭康成以禱五祀解鑿矣

拜稽顙衰戚之至隱也稽顙隱之甚也

稽顙以顙擊地也。隱痛也。拜則五體投地而首爲五體之尊。以顙擊地中情隱痛之甚。無可奈何也。

飯用米。貝弗忍虛也。不以食道用美焉耳。銘明旌也。以死者爲不可別已。故以其旗識之。愛之斯錄之矣。敬之斯盡其道焉耳。重平主道也。殷主綴重焉。周主重徹焉。奠以素器。以生者有哀素之心也。唯祭祀之禮。主人自盡焉。爾豈知神之所饗。亦以主人有齊敬之心也。

飯謂初死飯。舍不用飲食。而用米與貝。爲不忍死者口虛。以美物實之。非爲食也。銘以帛書某氏柩。所以明死者而旌別之也。旗卽銘旌。愛其親而不忍忘。故

錄其既死之名敬其親而不敢遺故盡其送死之道耳重以木爲之高三尺形如人北面左衽束帶擁食取易象人過不養不可動之義故曰重蓋死者冤鬼所依也里設于始死之時主立于既虞之後始死未作主以里爲主也在廟曰主般人既作主并重亦綴而懸于里周人既作主則徹重而埋于廟門外始死至葬猶以人道事之有奠無祭器用素哀主質也既葬反虞則以神道事之卒耐練祥皆用祭器祭主敬盡禮也且知死者真能來饗惟自盡其齊敬之心而已哀敬亦至孝之至也

辟踊哀之至也有算爲之節文也袒括髮變也愠哀之變也去飾去美也袒括髮去飾之甚也有所袒有所襲哀之節也

辟撫心也踊頓足也女辟男踊過毀傷生故爲之算一踊三跳三踊九跳是爲一節雜記云公七踊大夫五踊士三踊以殯日久近爲踊之疏數皆所謂節文也肉袒括髮變其常也愠悶無聊至于戚嘆辟踊又哀之變也服御去飾情惡而去其美也去飾而至于袒括髮去飾之甚也袒而復襲其衣以節哀也

弁經葛而葬與神交之道也有敬心焉周人弁而葬殷

人舁許而葬

厭冠麻經居喪之服也至葬則以弁易厭冠以葛易麻經也蓋喪主哀親之也至葬卽于遠而時漸久以神明待之故有敬心焉致敬生文不純用凶也周之弁殷之舁皆祭冠王制云夏后氏叔而祭殷人舁而祭周人弁而祭故曰弁葛而葬者與神交之道也按葬用吉冠非禮也蓋制相似而疏麻布爲之卽喪冠也說者遂以祭山川解鑿也

歆主人主婦室老爲其病也君命食之也

歆食粥也初喪三日主人主婦及家之長相皆不飲

不食三日爲其病困以君命命食乃歠粥

反哭升堂反諸其所作也主婦入于室反諸其所養

去聲

也反哭之弔也哀之至也反而亡焉失之矣於是爲甚
殷旣封而弔周反哭而弔孔子曰殷已慤吾從周

此言旣葬反哭之義主人升堂求諸其親存日行禮
之處主婦入室求諸其舊所饋食之處而皆不復見
其親哀痛於是爲甚故其時賓有弔者殷禮甫葬卽
弔于墓周禮待其反哭弔于家臨穴盡哀殷禮大質
草土之間猶見其墓不若反而亡焉之爲甚故周人
得之夫子所欲從也

葬於北方北首三代之達禮也之幽之故也既封主人
贈而祝宿虞尸既反哭主人與有司視虞牲有司以几
筵舍釋奠於墓左反日中而虞葬日虞弗忍一日離也
是日也以虞易奠卒哭曰成事是日也以吉祭易喪祭
明日祔于祖父其變而之吉祭也比至於祔必於是日
也接句不忍一日末有所歸也殷練而祔周卒哭而祔
孔子善殷

北方國之北也殯則南其首從陽也葬則北其首從
陰也三代通用之生則下而向明死則往而歸幽也
贈以幣贈死者于墓時則祝先歸而戒虞祭之尸宿

風通戒也。既反哭，卽與有司省視虞祭之牲，別令有司以几筵釋奠山陵之神于墓左，爲親託體于此也。使有司者，主人反虞也。是日葬，卽是日虞，甫失其柩，卽安其神，弗忍一日離親也。未虞以前，人道饋食奠而已。至虞，以神道奉祭，易奠也。虞安也，安神也。禮士三虞，大夫五虞，諸侯七虞，虞而後卒哭。卒哭而始祔，虞用柔日，靜以安也。祔用剛日，動以遷也。故虞間日一舉，而祔卽卒哭之明日。卒哭者，卒不絕聲之哭，惟朝夕哭，思至哭耳。曰成事，謂祭事以吉爲成，故卒哭之祭，祝曰哀告成事也。吉祭，卽卒哭祔于祖父廟，孫

與祖同昭穆也。虞有常數而自葬至卒哭日尚遠。如士期月葬。三月卒哭。大夫三月葬。五月卒哭。諸侯五月葬。七月卒哭。未卒哭主未祔。其間祭不可缺。故自虞漸變而之。卒哭之吉祭也。比及祔日。祭相接續。不忍使親之神一日無所歸。如殷人期年練而後祔。則期年之內。祭必相接。周人但卒哭卽祔。猶其近者。夫子善殷善其不忍死親也。

君臨臣喪。以巫祝桃茢執戈。惡之也。所以異於生也。喪有死之道焉。先王之所難言也。

桃性辟惡。茢著蓐。以除不潔。戈以刺。皆爲死者有凶。

邪之氣。故君弔則令巫祝以此三物辟除之。人生則愛之死。則惡之。喪禮有惡死之道焉。先王所不忍言也。

按君臨臣喪。親愛之情。哀敬之道。乃惡而辟之。是後世人主貴倨之習。先王必無是也。

喪之朝。潮也。順死者之孝心也。其哀離其室也。故至於祖考之廟而后行。殷朝而殯於祖。周朝而遂葬。

朝謂將葬以柩朝于祖而後行。所以順死者之孝心也。死者之心。其必悲哀永離其室。故辭于祖考也。殷人尚質。人死卽以神事敬而遠之。始死卽朝祖殯于

禮記集說卷一百一十五
禮記集說卷一百一十五
廟。周人尚文。親雖亡。不忍亡之。猶殯于寢。比朝于廟。而遂葬矣。

孔子謂爲明器者。知喪道矣。備物而不可用也。哀哉。死者而用生者之器也。不殆於用歟。其曰明器。神明之也。塗車芻靈。自古有之。明器之道也。孔子謂爲芻靈者。善。謂爲俑者。不仁。不殆於用人乎哉。

殆。近也。殺人從葬。曰殉。塗車。以泥爲車也。芻靈。以草爲人也。俑。以木爲人。有機能踊。故曰。前近于用人。故夫子惡之。

穆公問於子思曰。爲去聲舊君反服。古與。子思曰。古之君

子進人以禮退人以禮故有舊君反服之禮也今之君子進人若將加諸膝退人若將隊_墜諸淵毋爲戎首不亦善乎又何反服之禮之有

穆公魯君哀公之曾孫戎首倡亂者

按此亦報怨復讐之意豈可槩施於君父孟子嘗爲齊王陳此意蓋有爲而發世主驕亢犬馬畜臣以此矯其過耳豈謂是爲禮與檀弓蹈襲孟子語以孟子受業子思託爲子思言未足信也

悼公之喪季昭子問於孟敬子曰爲君何食敬子曰食粥天下之達禮也吾三臣者之不能居公室也四方莫

不聞矣勉而爲瘠則吾能毋乃使人疑夫不以情居瘠者乎哉我則食食

悼公魯哀公子季昭子季康子之曾孫名強孟敬子孟武伯之子名捷不以情居瘠謂僞爲瘠也昭子之問有補過之心孟孫之對小人而無忌憚矣

衛司徒敬子死于夏弔焉主人未小斂經而往子游弔焉主人旣小斂子游出經反哭子夏曰聞之也與曰聞諸天子主人未改服則不經

司徒以官氏也此章之義與前曾子襲裘而弔章同曾子曰晏子可謂知禮也已恭敬之有焉有若曰晏子

一孤裘三十年。遣車一乘及墓而反。國君七介。介遣車七乘。大夫五介。五牢。周禮大行人職。諸侯之禮。貳車七乘。介七人。禮七牢。諸侯之卿。其禮各下其君二等。故葬車視貳車。與介之數。晏子之父亦大夫也。而送葬止

車一乘是辭費而廢禮也。儉於已則是儉於親則非以儉廢禮不可。然以儉矯俗亦可。二子之說意各有主也。

按雜記云遣車視牢具。又云既遣而包其餘儀禮既夕亦云包牲取下體。謂取遣奠牲體包裹以送死者。世俗用遣車載而之墓。故雜記有子譏其非禮。鄭康成讀个作箇。爲包肉之數。以遣車爲塗車載其包埋之壙中。附會之謬也。

國昭子之母死。問於子張曰。葬及墓。男子婦人安位。子張曰。司徒敬子之喪。夫子相。男子西鄉。婦人東鄉。曰噫。

句母曰我喪也斯沾爾專之句賓爲賓焉主爲主焉婦人從男子皆西鄉

國昭子齊大夫男子婦人謂主人家衆男婦也子張引夫子已行之禮告之主家男子西向男賓在衆主之南主家婦人東向女賓在衆婦之南昭子不從以意自定爲主人西鄉之禮噫疑嘆聲母禁止辭斯遂也沾爾猶言沾沾爾自用貌昭子欲行已說故戒子張曰爾母謂我喪我遂沾然自主之賓主異位婦人從男子皆當西向

按禮莫辨于男女雖凶遽之中亦必有別婦人男子

禮記集說卷之八
同位非禮也雖賓主有東西而野外無堂階不幾于
瀆亂乎鄭以我喪也斯沾爲句欠通

穆伯之喪敬姜晝哭文伯之喪晝夜哭孔子曰知禮矣
穆伯其夫也故喪止于晝哭文伯其子也故喪晝夜
哭禮制原不及此而聖人以知禮稱學者可通于禮
義矣

文伯之喪敬姜據其牀而不哭曰昔者吾有斯子也吾
以將爲賢人也吾未嘗以就公室今及其死也朋友諸
臣未有出涕者而內人皆行哭失聲斯子也必多曠於
禮矣夫

文伯名歆敬姜子敬姜以宗婦得出入公室向以其子爲賢未與俱入觀其所行而今死僚友無哀者唯妻妾有哭聲始知生平缺於禮故恨之

季康子之母死陳褻衣敬姜曰婦人不飾不敢見舅姑將有四方之賓來褻衣何爲陳於斯命徹之

敬姜康子之從祖母

有子與子游立見孺子慕者有子謂子游曰予壹不知夫喪之踊也予欲去^上之^聲久矣情在於斯其是也夫子游曰禮有微情者有以故興物者有直情而徑行者戎狄之道也禮道則不然人喜則斯陶陶斯味味斯猶^如

猶斯舞舞斯慍慍斯戚戚斯歎歎斯辟辟斯踊矣品節
斯斯之謂禮人死斯惡之矣無能也斯倍之矣是故制
絞衾設萋柳翬爲使人勿惡也始死脯醢之奠將行遣
而行之旣葬而食之未有見其饗之也自上世以來未
之有舍也爲使人勿倍也故子之所刺於禮者亦非禮
之訾訾也

此章言聖人制禮之意最爲明切孺子慕言哀素無
節文也壹果確之辭有若以孺子之號踊爲真切而
疑踊有算之非情故子游謂禮本飾情也情太盛則
以禮微而殺之情不達則因其故而興物焉微情者

豐巴通年

按猶之言如也與由通自然嚮赴之意人歌則抵掌
頓足按節而應謂之猶莫知其所以然而然是起舞
之漸也鄭康成作搖未聞歌有搖者

吳侵陳斬祀殺厲師還出竟陳大宰嚭平使於師夫差
謂行人儀曰是夫也多言盍嘗問焉師必有名人之稱
斯師也者則謂之何大宰嚭曰古之侵伐者不斬祀不
殺厲不復二毛今斯師也殺厲與平其不謂之殺厲之
師與曰及爾地歸爾子則謂之何曰君王討敝邑之罪
又矜而赦之師與有無名乎

吳侵陳事在魯哀公元年斬祀伐神壇之木也殺厲

殺疫癘之人也大宰詔吳大宰名詔行人儀陳行人
名儀記誤也夫差吳王名是夫指行人多言謂善應
對二毛老人髮斑白也引三事而獨言殺厲者重民
也爾子所獲人民也師與有無名乎者言如此則此
師又豈可以無名議之蓋疑辭不直許之也

顏丁善居喪始死皇皇焉如有求而弗得及殯望望焉
如有從而弗及既葬慨焉如不及其反而息

顏丁魯人始死在殯猶見其柩既葬而反迎神以歸
而不見其親未知親之與我同反否也故且行且息
以待之

子張問曰書云高宗三年不言言乃謹有諸仲尼曰胡爲其不然也古者天子崩王世子聽於冢宰三年

言號令也謹猶歡也令出而人心悅謂三年喪畢之後也王世子嗣王也在喪稱子當時三年之喪不行子張所疑在不言夫子所然在喪解者以默默附會非也儻冢宰匪人三月聽不可況三年乎必若斯禮伊周爲宰而後可

知悼子卒未葬平公飲酒師曠李調侍鼓鐘杜蕢快自外來聞鐘聲曰安在曰在寢杜蕢入寢歷階而升酌曰曠飲斯又酌曰調飲斯又酌堂上北面坐飲之降趨而

出平公呼而進之曰蕢。蕢者爾心或開予。是以不與
爾言。爾飲曠何也。曰子卯不樂。知悼子在堂。斯其爲子
卯也大矣。曠也太師也。不以詔。是以飲之也。爾飲調何
也。曰調也。君之褻臣也。爲一飲一食忘君之疾。是以飲
之也。爾飲何也。曰蕢也。宰夫也。非刀匕是共。又敢與知
防。是以飲之也。平公曰。寡人亦有過焉。酌而飲寡人。杜
蕢洗而揚觶。志公謂侍者曰。如我死。則必毋廢斯爵也。
至于今。旣畢。獻斯揚觶。謂之杜舉。

知悼子。晉大夫荀罃也。平公。晉侯彪也。開予。猶言起
予。謂酌不言心。或欲開示我也。桀以乙卯日亡。紂

以甲子日死此二日君不舉樂致戒也在堂殯未葬也雜記曰君於卿大夫比葬不食肉比卒哭不舉樂太師樂官不詔不告也褻臣近臣君疾猶君過也寧夫職在刀匕不專供已職而敢與知諫諍防閑之事是侵官也解飲酒之器揚舉也洗致潔也爵卽解也公叔文子卒其子戍庶請諡於君曰日月有時將葬矣請所以易其名者君曰昔者衛國凶饑夫子爲粥與國之餓者是不亦惠乎昔者衛國有難夫子以其死衛寡人不亦貞乎夫子聽衛國之政脩其班制以與四鄰交衛國之社稷不辱不亦文乎故謂夫子貞惠文子

公叔文子衛獻公之孫名拔大夫士三月而葬君按
其生平而賜之諡以代名也君衛靈公也魯昭公二
十年衛有齊豹之難靈公避于死烏班謂尊卑之次
制謂多寡之節皆所以交鄰之禮也

按公叔文子之爲文孔子不滿之僅取其薦家臣僕
一事與論孔文子之文正同則其生平碌碌可知靈
公雖極標榜而大臣不能佐君賑民爲粥與餓者市
私恩耳齊豹之亂以死衛君事亦無聞春秋諸侯卑
禮事盟主其何國不然孟子所謂人役也何不辱之
有皆不可爲訓

石鮒者仲卒無適子有庶子六人卜所以爲後者曰沐浴佩玉則兆五人者皆沐浴佩玉石祁子曰孰有執親之喪而沐浴佩王者乎不沐浴佩玉石祁子兆衛人以龜爲有知也

鮒仲衛大夫沐浴佩玉穆卜之禮如是龜乃肯兆兆謂吉凶之象此卜人之言也親喪不容飾沐浴佩玉非禮故石祁子不肯違禮求福而鬼神從之此所謂龜有知也石祁子兆謂兆與石祁子也

陳子車死於衛其妻與其家大夫謀以殉葬定而后陳子亢至以告曰夫子疾莫養去聲於下請以殉葬子亢曰

以殉葬非禮也。雖然，則彼疾當養者，孰若妻與宰得已，則吾欲已，不得已，則吾欲以二子者之爲之也。於是弗
果用。

陳子車，齊大夫。子亢，卽子禽。孔子弟子。子車，昆弟也。家大夫卽宰也。殺人送死曰殉。定，謂已定所殺之人。下，謂臣僕之屬。生不得受下人之養，故死欲以下人從葬。妻與宰，主殉葬之謀者也。故子亢危言以懼之。士君子能以人之痛癢譬諸身，則害人之事息矣。若子亢者，殆遊于聖人之門而聞禮者與。

子路曰：傷哉貧也！生無以爲養，去聲死無以爲禮也。孔子

曰啜菽飲水盡其歡斯之謂孝斂手足形還旋葬而無
椁稱去聲其財斯之謂禮

還旋通便也言死便葬不待三月之期也無以爲禮
無財以爲衣衾棺槨明器薦送之禮也此子路食藜
藿百里負米之時觀夫子所謂禮則禮之義亦可知
也

衛獻公出奔及於衛及郊將班邑於從者而后入柳莊
曰如皆守社稷則孰執羈勒也而從如皆從則孰守社
稷君反其國而有私也毋乃不可乎弗果班

魯襄公十四年衛獻公以孫伋父甯殖之亂出奔至

二十六年始反國。絡馬曰羈。韉馬曰勒。言居者從者均之爲國。不宜私賞也。

衛有大史曰柳莊寢疾。公曰。若疾革。亟雖當祭。必告。公再拜稽首。請於尸曰。有臣柳莊也者。非寡人之臣。社稷之臣也。聞之死。請往。不釋服而往。遂以襚之。與之邑。襄氏與縣潘氏書而納諸棺曰。世世萬子孫毋變也。以衣服贈死曰襚。襄氏潘氏二邑名。屬邑曰縣。

按柳莊於衛。果社稷臣。未聞與文子伯玉諸人俱稱也。當祭而告疾亟。不已遽乎。喪禮斂用祭服。不釋祭服往襚。不已重死者而輕神乎。賜封券納諸棺。死者

其能食茲土乎皆非禮也

陳乾

干

昔寢疾屬

屬

其兄弟而命其子尊已曰如我死

則必大爲我棺使吾二婢子夾我陳乾昔死其子曰以
殉葬非禮也況又同棺乎弗果殺

尊已陳乾昔子也父亂命不從不陷其親于惡也

按殺人殉葬戎狄之惡俗秦武公爲之其後穆公效
之中諸侯惟宋文公亦效之然猶國君也陳子車陳
乾昔以人臣亦欲爲此王政不綱殺人無忌憚一至
于此尚可與言禮乎

仲遂卒于垂壬午猶繹萬入去

上聲

籥仲尼曰非禮也卿

卒不繹

仲遂魯大夫垂齊地名繹者祭明日重尋祭禮以賓尸卽商書彤日也壬午繹則辛巳祭萬者舞之總名籥管屬舞者吹籥去籥無聲舞也卿卒則不繹既繹則不得廢樂故夫子非之

季康子之母死公輸若方小斂般班請以機封將從之公肩假曰不可夫魯有初公室視豐碑三家視桓楹般爾以人之母嘗巧則豈不得句以其母以嘗巧者乎則病者乎噫弗果從

此言大事當用舊典公輸若魯之巧匠若字般名也

與於小斂之事。因請他日葬。已爲機以封。般請自稱其名請也。機封。謂爲機。關轉動下棺不用碑。碑也將從。謂許至葬時用之也。公肩假。人姓名。有初。猶言有故典。豐大也。豐碑。天子之制也。桓楹。諸侯之制也。視猶比也。豐碑。斲大木爲碑形。豎棹四隅。中施鹿盧。以紼。下端繫棺上端繞鹿盧。使人負碑。拽紼。聽鼓聲却行而漸下也。桓楹。制如今橋傍華表。四植爲桓楹柱也。通言之。亦謂之碑。公室僭天子。三家僭諸侯。以爲故典。亦不自知其非矣。般以人之母。嘗試已巧。於爲匠之術得矣。爲人子者。以其母以嘗匠之巧乎。於心

不病乎。噫。歎辭。鄭解若般爲兩人斷方小爲句。謬也。
戰于郎。公叔禺。遇人遇負杖入保者息。曰。使之雖病也。
仁之雖重也。君子不能爲謀也。士弗能死也。不可。我則
旣言矣。與其鄰重。童汪錡。紀往皆死焉。魯人欲勿殤重。
汪錡問於仲尼。仲尼曰。能執干戈以衛社稷。雖欲勿殤。
也不亦可乎。

郎之戰。齊人伐魯。在魯哀公十一年。公叔禺人。昭公
之子。公爲也。遇魯人避寇入保城邑者。負杖以扶荷
物。息休于途也。因歎徭役使人之困。賦稅責人之重。
卿大夫不能爲之謀。士又不能致其死於禮。不可。旣

禮記通解 卷四
言之遂欲行之。負杖蓋老人也。與其鄰之童子名汪
錡者共赴閭死。童死曰殤。喪禮殺成人。魯人爲其死
忠。欲勿殤。與禹人皆以成人禮葬。問於夫子。夫子以
爲可。重當作童。

子路去魯。謂顏淵曰。何以贈我。曰。吾聞之也。去國則哭
于墓。而后行。反其國不哭。展墓而入。謂子路曰。何以處
我。子路曰。吾聞之也。過墓則式。過祀則下。

行者問贈。居者問處。哭墓。大其無主也。展。省謁也。不
忘丘隴。去則必返。故爲行者言之。式。墓下祀。則州里
鄉黨無往不敬矣。故爲居者言之。

工尹商陽與陳弃疾追吳師及之陳弃疾謂工尹商陽
曰王事也子手弓而可。句手弓。句子射諸射之斃一人
斃弓又及謂之又斃二人每斃一人揜其目止其御曰
朝不坐燕不與。去聲殺三人亦足以反命矣孔子曰殺人
之中又有禮焉

工尹楚官名弃疾楚公子弃疾爲陳尹追吳師事在
魯昭公十二年手弓商陽手執弓也斃什死也韞韜
弓也揜其目不忍視也士于朝不坐于燕不與位卑
而禮輕也夫寇窮可以無追君命又不可廢酌而行
之所以爲禮然以爲孔子之言乎亦未似也

諸侯伐秦。曹桓宣公卒于會。諸侯請舍。使之襲襄公。朝于荆。康王卒。荆人曰。必請襲。魯人曰。非禮也。荆人強之。巫先拂柩。荆人悔之。

此記諸侯失禮之事。晉以諸侯伐秦。事在魯。成公十三年。曹伯廬卒于師。曹宣公也。誤作桓。請舍。請于晉也。晉厲公爲盟主。使諸侯襲之。奉舍。朋友有相啖之禮。奉衣襲尸。賤者之事。非禮也。魯襄公朝楚。事在襄公二十八年。楚康王卒。楚人強襲公。襲是以臣遇之也。魯使巫人先拂除柩。以君禮自處也。乃所以報之。然皆非禮。

滕成公之喪使子叔敬叔弔進書子服惠伯爲介及郊爲懿伯之忌不入惠伯曰政也不可以叔父之私不將八事遂入

滕成公之喪在魯昭公三年子叔敬叔魯宣公弟叔弓也桓公之七世孫惠伯名椒桓公之六世孫以世次則惠伯於敬叔爲叔父而懿伯又惠伯之叔父也進書奉弔書也介副使也忌忌日及滕郊而當惠伯叔父之忌日敬叔欲暫息惠伯以爲不可遂入禮也鄭康成解忌爲怨恐非

哀公使人弔蕢快尚遇諸道辟於路畫宮而受弔焉曾

子曰黃尚不如杞梁之妻之知禮也齊莊公襲莒于奪
先杞梁死焉其妻迎其柩於路而哭之哀莊公使人弔
之對曰君之臣不免於罪則將肆諸市朝而妻妾執君
之臣免於罪則有先人之敝廬在君無所辱命

辟避也避于道傍畫宮室之位而受弔非禮也齊莊
公襲莒事在魯襄公二十三年杞梁齊臣卽杞殖奪
鄭作兌狹路也妻妾執古所謂挈戮也無所辱命言
當弔于家曾子譏黃尚不如杞梁妻亦以見哀公之
失禮故記者併記其事明之

孺子贗吞之喪哀公欲設機結問於有若有若曰其可

也君之三臣猶設之顏柳曰天子龍輅春而棹幃道諸
侯輅而設幃爲榆沈沉故設撥三臣者廢輅而設撥竊
禮之不中去聲者也而君何學焉

韋魯哀公少子撥作緯大繩卽紼也棺自有引別用
大繩以引柩車三臣季孟叔三家輅載柩之車天子
畫龍于上敢木于棺外爲棹而幃棺以繡黼卽前章
所謂加黼于棹上是也諸侯有輅無龍有幃無棹榆
木堅忍以爲輅沈重也輅車重難行故設撥以引之
旣廢輅則不須撥無輅而設撥三家竊禮之不稱者
又何效焉鄭註謂以水澆榆白皮汁灑地滑車迂鑿

可笑滑車何必榆汁也

悼公之母死哀公爲之齊衰有若曰爲妾齊衰禮與公曰吾得已乎哉魯人以妻我

悼公名寧疑卽公子荆其母嬖而哀公立以爲夫人事見春秋傳禮諸侯絕旁期妾無服惟大夫於貴妾總哀公爲其立而有子故服稱國人文過之辭

季子臯葬其妻犯人之禾申詳以告曰請庚之子臯曰孟氏不以是罪予朋友不以是棄予以吾爲邑長上於斯也買道而葬後難繼也

子臯高柴也犯微傷也禾道傍禾稼庚償也子臯爲

孟氏成邑宰葬妻柩行所過微損民禾而必責償是并耕而治之道也故曰難繼君子謂子臯知大體鄭康成謂恃寵虐民是何言與

仕而未有祿者君有饋焉曰獻使焉曰寡君違而君薨弗爲服也

此記國君養賢之禮仕而未有祿如孟子在齊子思在魯之類立於其朝而不以官詔食君使廩人繼粟庖人繼肉則曰獻不言賜也使致君命則稱寡君不以主君自居也有故違而去之君薨則無服非舊臣也在國則亦服之孟子居春秋用此禮鄭註未達

虞而立尸。有几筵。卒哭而諱。生事畢而鬼事始。已既卒哭。宰夫執木鐸以命于宮曰。舍故而諱新。自寢門至于庫門。二名不偏諱。夫子之母名徵。在言在不稱。徵言徵不稱在。

既葬而虞。則親形已藏。故立尸象之初死。有奠而無席。大斂有席而無几。至虞始備几筵。漸去人而卽鬼也。諱避死者名稱諡也。名以生得諡。因死成周官宰夫大喪小喪掌其戒令。故卒哭宰夫以諡令于宮中曰。舍故而諱新。故謂名新謂諡也。舍其舊日之名而稱新諡以諱之也。鄭註謂故爲高祖之父。當遷者則舍

之不諱。鑿也。寢門在內。庫門在外。二名不偏諱。禮也。
舉夫子之不偏諱以證之。

軍有憂則素服哭於庫門之外。赴車不載櫜。高韞也有

焚其先人之室則三日哭。故曰新宮火亦三日哭。

軍勝還曰愷。敗還曰憂。哭於大門外。君自引咎不安也。或曰庫門近宗廟也。赴車告敗之車。櫜甲衣韞弓衣不載二物。示欲復讐。甲不櫜弓不韞也。先人之室謂宗廟也。魯成公三年宣公廟新成而火三日哭。傳春秋者以爲禮。故記者引以證之。

按此章後儒說春秋之例而援以爲禮耳。秦穆公殺

之敗素服郊次嚮師而哭三敗求復竟以無功春秋未嘗予之而左氏顧亟稱之其貪不悔焚舟破釜以尋于干戈烏得爲禮魯宣公廟新成火三日哭公穀傳以爲禮胡安國謂主未入廟故稱新宮無主而哭非禮也是烏足據乎

孔子過泰山側有婦人哭於墓者而哀夫子式而聽之使子路問之曰子之哭也壹似重有愛者而曰然昔者吾舅死於虎吾夫又死焉今吾子又死焉夫子曰何爲不去也曰無苛政夫子曰小子識之苛政猛於虎也壹似猶言甚似而曰猶乃曰婦人輟哭乃答也此章

之言於禮無當記者但因其哭墓錄之大似諸子寓言事不必實而其言可警爲政者

神人有周豐也者哀公執摯

至

請見之而曰不可公曰

我其已夫使人問焉曰有虞氏未施信於民而民信之夏后氏未施敬於民而民敬之何施而得斯於民也對曰墟墓之間未施哀於民而民哀社稷宗廟之中未施敬於民而民敬殷人作誓而民始畔周人作會而民始疑苟無禮義忠信誠慤之心以蒞之雖固結之民其不解乎

我其已謂止而不強請也信敬無迹可施然豈有無

施而受者亦猶人在墟墓廟社之內自生哀敬精誠感通豈在言語形迹要結乎此禮之本也

按殷人作誓摺湯誓而言然夏已有之周人作會指五霸軟血之事詩云君子屢盟亂是用長五霸之會春秋所惡也豈文武周公而有是禮與

喪不慮居毀不危身喪不慮居爲無廟也毀不危身爲無後也

備亡曰慮慮居謂典賣田宅以供喪具也危身謂衣毀傷生也

延陵季子適齊於其友也其長子死葬於贏博之間孔

子曰延陵季子吳之習於禮者也往而觀其葬焉其坎
深不至於泉其斂以時服既葬而封廣輪擗坎其高可
隱也既封句左袒句右還其封且號者三句曰骨肉歸
復于土命也若魂氣則無不之也無不之也而遂行孔
子曰延陵季子之於禮也其合矣乎

延陵季子吳公子札也羸博齊二邑名坎壙也不至
泉淺深得宜也時服隨時寒暑之服封墳隴也橫曰
廣從曰輪可隱高比人也凡吉袒皆尚左凶袒皆尚
右季子達命自寬袒從吉也還環也三謂遶墓三帀
也骨肉形也形死造物歸藏故曰命魂氣神也神散

還虛周游無方故無不之重言者明神之無定在也
蓋季子以君命奉使不得將其柩歸形骸雖藏于齊
土而父子一氣父歸子之魂亦歸形遠而神不相離
用以自寬爾

按禮爲長子三年喪可謂重已季扎長子死于道路
而不歸葬附身附棺隨時而止孔子以爲合禮乃知
禮非盡有故常也賢人君子因時制宜皆謂之禮
博之葬豈其有故典乎

邾婁考公之喪徐君使容居來弔舍曰寡君使容居
坐舍進侯玉其使容居以舍有司曰諸侯之來奔敝邑

祖

者易則易于則于易于雜者未之有也容居對曰容居聞之事君不敢忘其君亦不敢遺其祖昔我先君駒王西討濟於河無所不用斯言也容居魯人也不敢忘其

此記諸侯之僭禮也邾徐皆東海之國邾小而徐大徐君使其臣容居弔邾君之喪且致舍玉禮諸侯相爲親舍惟天子之大夫可以舍諸侯徐君以王禮自處使臣舍辭稱侯妄也易直也于迂也易則易于則于猶言是曰是非曰非也徐君以諸侯而僭天子容居以大夫而比諸侯致辭譎張易于雜也駒王徐之

先君僭稱王用斯言謂用天子命諸侯之言今用于
邾是不敢忘其君也又言已雖仕徐其先祖魯人魯
人守禮不敢忘其祖也春秋時推魯人知禮如滕父
兄百官亦曰吾宗國魯先君莫之行下章仲叔妻喪
夫亦稱魯人鄭氏以魯鈍解恐非

子思之母死於衛赴於子思子思哭於廟門人至曰庶
氏之母死何爲哭於孔氏之廟乎子思曰吾過矣吾過
矣遂哭於他室

子思之母再嫁於衛之庶氏母出而子不易故子思
猶哭于廟不忍踈也然於義已絕俟人言至而後改

哭所以達于用禮也

按子思之母必無再嫁之失哭母而自以爲過不似孝子迫切之辭好事者脩飾不足信也

天子崩三日祝先服五日官長服七日國中男女服三月天下服虞人致百祀之木可以爲棺槨者斬之不至者廢其祀

文上聲

其人

三五等日以遠近爲先後祝佐含斂袒免括髮襲帶經與主人同時故最先服五日成服故朝臣百官皆服國中男女聞計始製服故稍後五月而後服徧天下百祀謂百神祠廟壇場之木

古詩集解 卷四 三三
按一人喪而百祀之木盡致可勝用乎不至輒廢其祀刳其人刑不已濫乎註疏謂天子喪百神同哀此秦政所爲赭湘山也者而何足法與記若經夫子手此等宜從刪鄭玄輩一一附合何以行之

齊大饑黔敖爲食於路以待餓者而食之有餓者蒙袂輯屣貿貿然來黔敖左奉食右執飲曰嗟來食揚其目而視之曰予唯不食嗟來之食以至於斯也從而謝焉終不食而死曾子聞之曰微與其嗟也可去其謝也可食

黔敖齊人蒙袂以兩手抱首也袂袖也輯斂也輯屣

行不前也。饑困之狀，貿貿昏憤也。嗟來者，憐而招呼之辭，不食惡其無將迎之禮也。微細也。言嗟來非失禮之大者。

按此章卽孟子所謂羞惡之心。人皆有之。呼爾而與乞人不屑也。萬鍾不辨禮義而受，不愧於辭嗟來者乎？如拘其說以行禮，則設粥待貧者必三揖而進，再拜而後受，亦不可行矣。

邾婁定公之時，有弑其父者。有司以告，公瞿然失席曰：「是寡人之罪也。」曰：「寡人嘗學斷斯獄矣。」臣弑君，凡在官者殺無赦；子弑父，凡在官者殺無赦；殺其人，壞其室，洿

其宮而豬焉蓋君踰月而后舉爵

瞿然驚顧貌臣弑君子弑父非一人之謀其徒必多故當窮治其黨毀其宮室以絕其跡洿池也豬大澤也君踰月不舉爵憂亂也其懲志如此故春秋時邾婁無弑逆之禍

晉獻文子成室晉大夫發焉張老曰美哉輪焉美哉奐焉歌於斯哭於斯聚國族於斯文子曰武也得歌於斯哭於斯聚國族於斯是全要平聲領以從先大夫於九京也北面再拜稽首君子謂之善頌善禱

獻文子趙武諡也鄭康成以獻為賀鑿也發猶落也

始新之名。張老亦晉大夫。輪。輪困。高大貌。煥。煥爛光華貌。歌。謂行禮奏樂哭。謂死喪送終。國族。謂僚友宗親。三言於斯。謂子孫世守。無以復加也。頌而寓箴。不以哭死爲諱。故謂之善頌。武子喻其意而拜謝稱祖考。惟以保要領爲祈。故謂之善禱。蓋福莫利于遠禍。而安莫美于無危。所以善也要領。猶言身首九京。卽九原。晉卿大夫墓地。高曰京。平曰原。

仲尼之畜狗死。使子貢埋之。曰。吾聞之也。敝帷不棄。爲埋馬也。敝蓋不棄。爲埋狗也。丘也貧。無蓋於其封也。亦予之席。毋使其首陷焉。路馬死。埋之以帷。

畜狗謂馴守之狗。路馬。人君駕車之馬。帷。牀帷。蓋。雨具。獸死則首垂束之以席。不使首陷於土也。惟蓋所常用。狗馬所常畜。常用者敝而不棄。常畜者死而不忍。以其所不棄。埋其所不忍。仁之至。義之盡。是謂之

禮

季孫之母死。哀公弔焉。曾子與子貢弔焉。閭人爲君在弗內。也曾子與子貢入於其廐而脩容焉。子貢先入。閭人曰。鄉者已告矣。曾子後入。閭人辟。避之。涉內。雷。卿大夫皆辟位。公降一等而揖之。君子言之曰。盡飾之道斯其行者遠矣。

此明士君子容貌不可不莊而其說反近鄙陋將以
譽二賢而適以毀之未脩容則門者不納既脩容則
門者不敢止卿辟位公降等而揖然則二子在外一
容而入謁貴人又一容是市井之行也魯之君臣孰
不知有二賢者豈爲見其容而下之乎記言不足信
也

陽門之介夫死司城子罕入而哭之哀晉人之覘宋者
反報於晉侯曰陽門之介夫死而子罕哭之哀而民說
殆不可伐也孔子聞之曰善哉覘國乎詩云凡民有喪
扶甫服甸救之雖微晉而已天下其孰能當之

此明禮讓得人之效陽門宋國門介夫甲士司城卽
司空子罕樂喜也規猶窺也微非也言雖非晉國而
已卽天下之大人說誰能當之

魯莊公之喪旣葬而經不入庫門士大夫旣卒哭麻不
入

此記喪禮之失魯莊公薨于般嗣立慶父弑之而立
閔公國內大亂嗣君送葬歸吉服御事以變廢禮也
麻經不入大門則虞祔練禫之禮盡廢矣君不經故
臣皆去麻麻卽經也經麻不入則衰可知

孔子之故人曰原壤其母死夫子助之沐槨原壤登木

曰久矣予之不託於音也歌曰貍離首之斑篇叶然執女
手之卷季然夫子爲弗聞也者而過之從者曰子未可
以匕乎夫子曰丘聞之親者毋失其爲親也故者毋失
其爲故也

此聖人處故舊之禮沐浴也將葬治槨也登升也積
材爲槨壤升其木上若爲有所望而思故託於音託
寄也言在喪久未寄情於聲歌也貍首古天子射侯
之樂歌貍之言不來也諸侯不來者射之此託爲所
思者不來望其翩然而至也斑翩通執手旣見握手
也卷拳通婉柔貌居喪而歌此故夫子惡之若爲弗

聞不屑教而包容之也過不顧也已絕交也親謂母子故謂朋友勿失言當各自盡不忍遽棄也

按原壤任放之徒以禮法爲牽纏非真忘親也其志欲一生死齊哀樂矯情肆言行似不經而心實未嘗死習於禮者惡之而聖人道大德宏爲能容之天地之大何物不有故者勿失亦聖人之權辭難爲下學深言之也苟以其故而已則始何爲而與之友乎宰我一言短喪斥其不仁親死廢禮猶引爲故人至夷居以俟扣其蹊數其不弟而卒不與之論禮然則聖人固不可測而原壤抑亦未可測也此意記者所未

喻

趙文子與叔譽觀乎九原文子曰死者如可作也吾誰
與歸叔譽曰其陽處父乎文子曰行并植於晉國不沒
其身其知不足稱也其舅犯乎文子曰見利不顧其君
其仁不足稱也我則隨武子乎利其君不忘其身謀其
身不遺其友晉人謂文子知人文子其中退然如不勝
升衣其言訥訥然如不出諸口所舉於晉國管庫之士
七十有餘家生不交利死不屬其子焉

趙文子晉大夫趙武也叔譽羊舌肸字叔向九原卽
九京謂晉先臣如可再生吾將誰從欲評論前人賢

否也。陽處父材幹兼人，爲狐射姑所殺，故不智。舅犯從晉文公及國及河，授璧請辭，以要君自利，故不仁。隨武子士會也，食邑于隨，從先蔑迎公子雍于秦，友而靈公已立，與先蔑同奔秦，數年不見先蔑而歸，故曰利君不危身，全身不損友。趙文子爲人形體癯弱，故曰退然如不勝衣，短於說辭，故曰訥訥如不出口。管所以啓鍵卽今鑰匙也，庫以藏財用，管庫之士賤役也，薦其賢能者于晉君大用之，雖有提拔之恩而生不與交利，死不以其子託之，其公廉如此。

叔仲皮，學子柳叔仲皮死，其妻魯人也，衣衰而繆經，叔

仲衍以告請總衰而環經曰昔者吾喪姑姊妹亦如斯末吾禁也退使其妻總衰而環經

此記衰服輕細之非禮叔仲氏皮名未詳何國人叔仲衍蓋其兄弟也子柳疑卽泄柳皮從學子柳其妻又魯國人素聞禮當世謂魯爲禮教之國故容居亦自稱魯人以此妻爲夫服斬衰絞經禮也叔仲以告子柳請從俗爲總衰環經布細而疎者曰總環經首經細而無缺項如環蓋弔服之類非夫喪之服且曰昔吾有姑姊妹之喪皆服此未有以爲非而止我者流俗之見非禮子柳所以不答也衍退使其妻爲是

服以服其兄尤非也。禮姑姊妹適人死爲大功。在室齊期。男子之服旣不可比於婦人。而夫之喪尤不可比姑姊妹。叔嫂不相爲服。衍妻爲皮服。豈知禮者乎。成人有其兄死而不爲衰者。聞子臯將爲成宰。遂爲衰。成人曰蠶則績。而蟹有匡。范則冠。而蟬有綏。兄則死而子臯爲之衰。

此言禮由上興也。成魯邑。禮兄喪。齊衰。成人有兄死而不爲衰者。聞子臯爲宰。乃衰。是衰非爲兄爲子臯耳。故邑人託物形相似而不相關者。譏之。蠶有緣。故曰績。績用匡。而匡乃在蟹之背。蟹甲似匡也。范。蜂也。

冠纓之垂者曰綏蜂首似冠冠有綏而綏乃在蟬之
項蟬啄長在口下似綏也以譬成人兄死宜有服不
服服乃爲子臯耳

樂正子春之母死五日而不食曰吾悔之自吾母而不
得吾情吾惡鳥乎用吾情

禮親喪三日不食子春五日勉強爲之故悔曾子七
日不食而不聞悔誠故也

歲旱穆公召縣子而問然曰天久不雨吾欲暴僕尅汪

而奚若曰天則不雨而暴人之疾子句虐母乃不可與

然則吾欲暴巫而奚若曰天則不雨而望之愚婦人於

以求之母乃已疏乎徙市則奚若曰天子崩巷市七日諸侯薨巷市三日爲之徙市不亦可乎

尅父病羸瘦之人偃臥向天世俗旱則曝之企天哀之而雨也巫所以接神男曰覡女曰巫周禮女巫旱則舞雩曝之者亦欲天哀之而雨也徙市者國有凶喪則衆人憂戚市井廢交易故天子諸侯喪國人罷市有所需則市于巷改市于巷故曰徙過災舉國改徙以示脩省庶天變可回然有虛文無實意亦不可也

孔子曰衛人之祔也離之魯人之祔也合之善夫

祔合葬也離謂不同穴以土隔之合謂同穴旣謂之祔何以又離

禮記通解卷四終